

IDEJNO RJEŠENJE ''TRAVNIČKI KORZO''

Travnički korzo

ŠIFRAC1V2M3.....

PARK ISPRED OPĆINE I ZGRADA MUZEJA SA OKOLINOM

Ovaj izdvojeni segment, koji obuhvata park ispred zgrade općine Travnik, zgradu Zavičajnog muzeja sa svojom okolinom, saobraćajnice ul. Konatarska i ul. Mehmed Paše Kukavice, čine jednu od atraktivnijih zona budućeg "Travničkog Korza", stoga se kroz analize posebna pažnja dala ovom dijelu, kako bi on uz glavnu šetnicu i intervencije predložene idejnim rješenjem dobio jednu novu dimenziju bolje funkcionalnosti, otvorenosti i povezanosti sa ostalom "Travničkog korza".

SAOBRAJAJNO RJEŠENJE:

Imajući u vidu da se u ovom izdvojenom segmentu nalaze saobraćajnice ul. Konatarska i ul. Mehmed Paše Kukavice, kroz naše idejno rješenje smo predložili određene intervencije, kako bi ove saobraćajnice bile funkcionalnije i bolje iskoristene.

Analizirajući trenutnu situaciju u ulici Konatarska, koja je zatvaranjem Bosanske ulice postala slijepa ulica, a zadržala je parking prostor, kao da je jednosmjerna, što stvara poteškoće vozačima prilikom ulaska i izlaska na parking prostor.

Našim rješenjem, što je vidljivo u grafičkom prilogu, predviđeno je da se prilikom uređenja parka Konatarska ulica, djelimično proširi za ca. 2 metra, kako bi se moglo ostvariti okomito parkiranje. Ovim rješenjem bi se omogućio neometan prilaz, te ulaz i izlaz sa parking prostora, a dobio bi se znatno veći broj parking mjesta. Bitno je napomenuti da drveće koje se trenutno nalazi u parku ovom intervencijom ne bi bilo ogroženo. Uz ovo rješenje u grafičkom prilogu su vidljive i intervencije na parking u zgradu Općine Travnik, kako bi se dobio jedan kontinuitet parking prostora, kao i hodnih linija za pješake.

Ovaj parking prostor koji bi sada imao veći broj mjesta, može se smatrati kao parking prve zone, a isti će imati kontrolu i ujedno zadovoljavati potrebe zgrade općine Travnik prilikom raznih događaja, prijema i slično.

Sam park ispred zgrade općine Travnik je zamišljen kao "Zeleni park" sa hortikulturalnim uređenjem o čemu će biti govora kasnije riješenim detaljima.

Planirano je da se na sadašnjim "zelenim ostrvima" urade intervencije kako bi se poboljšale hodne linije pješaka, a sam park više otvorio prema glavnoj šetnici. Planirane intervencije preuređenja i popločanja dodatnih staza za pješake bi objedinio i povezao zgradu Zavičajnog muzeja, kao i objekat, gdje se trenutno nalazi knjižara. Bitno je napomenuti da bi se ovim intervencijama nastojalo zadržati što veći broj postojećih stabala, a novim segmentima obogatila zelena površina, kao i novo zasađeno drveće.

Otvarajući park prema šetnici, planirano je postavljanje fontane na dijelu, koji razdvaja park od same šetnice. Ideja je da se parku koji ima prirodni karakter, sa zelenim površinama, doda i detalj sa vodom. Na ovoj fontani su zamišljene česme sa vodom za piće, kao i kratka prezentacija pojedinih izvorišta vode, ističući Travnik kao grad, bogat raznim izvorištima (Plava voda, Bašbunar, Gospino vrelo, ..). **Fontana je detaljnije prikazana kao zaseban prilog.**





Analizirajući trenutnu situaciju u ulici Mehmed Paše Kukavice koja čini raskršnicu sa Bosanskom ulicom spajajući se na Ulicu Čabruša, primjetno je da je sadašnje rješenje uzrokom konfuznog stanja, gledajući i sa pješačkog i sa saobraćajnog aspekta, te smo našim idejnim prijedlogom dali određena rješenja, kako bi ovaj dio bio što funkcionalniji i protočniji, kako za saobraćaj tako i za pješake. Imajući u vidu da je ovo jedina raskrsnica na dužini planiranog obuhvata i nalazi se približno na sredini, spajajući dvije gusto naseljene gradske zone, planirano je da ona i dalje ostane saobraćajna komunikacija uz limitiranu brzinu kretanja i nivoelacijom visinski usklađenom sa samom šetnicom, kako se ne bi remetio njen kontinuitet. Drugim tipom popločanja bi se naznačio put saobraćajnice u odnosu na šetnicu, ali bi nivoelacija i šetnice i saobraćajnice bila ista. U grafičkom prilogu je jasno vidljiva intervencija linije saobraćajnice, gdje je planirano da se parking prostori izmjesti na drugu stranu, kako bi se dobio kontinuiran pravac. Ukidanjem trotoara na samom početku ulice Čabruša planirano je da se nastavi popločanje iz ulice Mehmed Paše Kukavice preko šetališta, gdje bi se dodatno dobilo na širini i ova saobraćajnica bi mogla dobiti dvosmjerni karakter.

Opet napominjemo da se sadašnjim rješenjem stvaraju velike gužve, kako na samom postojećem parking u, a u zonama stanovanja koje tangiraju ovo područje, stoga smo mišljenja da bi jedna ovakva intervencija, koju bi većinom koristilo lokalno stanovništvo u mnogome rasteretilo ovo čvorište.

Ovim zahvatom je predviđeno izmještanje taksista, kao i uklanjanje betonske ograde zgrade muzeja, a sve u cilju kako je već ranije navedeno, da se ista poveže i otvori, kako sa novoprojektovanim šetnicom sa sjeverne i zapadne strane, tako i sa zelenim parkom sa istočne strane.

Betonska ograda muzeja koja odvaja šetnicu od postavke **čuvenog Čire** ovom intervencijom bi zadržala svoj status, imajući u vidu njenu dugogodišnju izložbeno-prodajnu namjenu tradicionalnih rekvizita prilikom pazaog dana. Dio zida koji bi se zadržao bio bi jedan vid kontinuiteta povremeni mobilnih prodajnih štandova a prolazimo bi se uz samu zgradu robne kuće, prema glavnom centralnom trgu

PARK ISPRED OPĆINE I ZGRADA MUZEJA SA OKOLINOM - NOVOPROJEKTOVANO STANJE R 1:500




prostorni prikazi idejnog rješenja



LEGENDA



SPECIFIKACIJA POPLOČANJA




DETALJ KLUPE




PRIJEDLOG KLUPE U PARKU "ZELENOM TRGU".

-klupa za sjedenje u parku treba da je udobna sa naslonom i služi za duže zadržavanje korisnika koji sjede i uživaju u prirodi
-dalje od parka na mjestima gdje se šetnica proširuje koriste se klupe bez naslona


KOMPOZICIJA URBANIH ELEMENATA




DETALJ KLUPE SA RASVJETOM I KANTOM ZA OTPAD



POGLED FRONT



DETALJ INFO PANELA




INFOPANEL ARBORETUMA



DETALJ KLUPE



TIP KLUPE 2- betonska žardinjera sa drvenim letvama




U gradu trenutno nema dovoljno pokazatelja koji nas upućuju na određena mjesta u gradu. A od posjetioca koji dolaze turistički u grad, puno je onih koji bi željeli da vide, a ne znaju gdje se određena mjesta nalaze. Ovo idejno rješenje proizašlo je iz potrebe informisanja građana ali i turista. Kao adekvatno mjesto za to je centralna šetnica, koja neće samo nuditi mjesto za sjedenje nego predstavljati svojevrsan muzej na otvorenom. Informativni paneli postavljeni su i na Centralnom trgu koji predstavlja mjesto okupljanja turista ali i građana Travnik a kao takav treba da usmjerava korisnike prema određenim znamenitostima grada.

GLAVNI infopanel smješten je na Centralnom trgu na kojem se nalazi velika karta uže jezgre grada na kojoj su obilježene znamenitosti grada Travnika. Svaka tačka obilježava neko mjesto u gradu koje se može posjetiti i pokazuje kako možemo doći do njega. Infopanel je urađen od plastificiranih materijala na koje se postavljaju posebni paneli sa podkonstrukcijom sa printanim kartama grada i njima pripadajućim opisima. Sve zajedno osvijetljeno je linijskim LED svjetlom tako da je karta osvijetljena i u noćnim satima.

Na manjim panelima izdvojene su tačke sa posebnim značajem i opisom dobra. Manji info paneli služe za povremeno mijenjanje infopiklata tako da se na njima nađe opis i nekog drugog dobra ili nekog kulturnog događaja.

Svrha info panela je informisanje građana ali i turista o određenim znamenitostima grada Travnika. Informišemo građane ali i ljude koje ne žive tu, pokažimo im šta nudi grad Travnik i kako sva mjesta posjetiti.

DETALJ FONTANE



Konstruktivno, kompozicija fontane sastoji se od dva korita, većeg i manjeg. U manjem koritu smješteni su izvodi za ispušnjevanje vode sa LED integrisanim svjetlom. Obloga fontane je Element vode uz park predstavlja neizostavni dio prirodnog okruženja parka, ali i grada Travnika, koji nosi opilje grada koji obiluje vodom. Stoga smo uz fontanu predviđili postavljanje česmi sa pitkom vodom iz različitih izvora iz okruženja. Jedna česma je sa izvorom Plava Voda, druga sa izvorom Bašbunar, a treća česma je Vilenička voda.

Postavljanje fontantane na ulaz u park imalo je za cilj prije svega obogatiti park kao prirodno okruženje u urbanom centru grada te ga dodatno povezati sa šetnicom, ali isto tako dati na značaju vode u životnom okruženju građana. Istaknuti bogstvo vode kojim obiluje grad fontanom sa česnama pitke vode daje okvir cijeloj kompoziciji šetnice i parka zajedno.

POSTOJEĆA FONTANA NA CENTRALNOM TRGU

- Trenutno fontana nije u funkciji te bi je trebalo sanirati na adekvatan način i vratiti u funkciju. Zbog karaktera trga, koji treba da ostane slobodna površina, radi održavanja određenih manifestacija, svaka instalacija na trgu koju nije moguće pomjeriti ili ukloniti dok traju manifestacije zapravo nije pogodna, stoga se daje prijedlog da se ista fontana osvijetli na način kako je to prikazano na slici.

To treba da budu podoravni slivnici ispod kojih je smještena pumpa za izbacivanje mlaza. Eventualno moguće je povećati broj mlaznica tako da dobije bogatiji izgled i veći doživljaj vode na otvorenom prostoru zajedno sa integrisanim LED svjetlom. Ovakvu vodenu instalaciju moguće je isključiti po potrebi u vrijeme nekih posebnih dešavanja na trgu i ponovo aktivirati kada je to potrebno.